

元始无量度人上品妙經卷之二十

碧落空歌品

道言昔於始青天中碧落空歌大浮黎土受元始度人空洞靈章自然之音碧落纏虛天霞流曼神風鼓激萬音合響浮沉清濁抑揚宛轉錯而成歌其聲洞徹交唱諸天當於是時天地萬物無聲之類一時能言敷道立教啟玄建宗一切生類通理明法元始天尊當說是經周迴十過以召十方碧落世界飛霞結縷妙於寶綱一切天人龍輿鳳葆倏忽往來若經幽竇空碧炫煥略無限礙光輝流影照一透萬中生神風徐速得度歌吟應節虛琴法音徧無有量珠樓寶闕咸出靈韻讚道讚法讚仙勸

道藏輯要

度人妙經

奎

角集四

×上上

諸天人興崇善功深悟上道天真大神上聖高尊妙行真人碧落至真自然空歌金童玉女無鞅數眾乘空而來紺虛凝湛寒碧洞清玉馬飄輪寶繖敷蔭天音妙梵隱密互作九光纏回五明泛耀七日七夜諸天內真各陞重樓齊擊天鼓龍虎號嘯星機東搖二十四天寶宮殿中混然碧色嶽聳波澄七辰瑩澤雲容風寂灝景舒明一國地土山川林木緬平一等無復高下天海涵環土玉葱蒨溲然洞歌無有異色眾真侍座元始天尊玄坐空浮九翠玉臺神龍萬珠之座說經一遍碧空洞歌羣響唱善是時一國男女聽牖解關無幽不聞說經二遍華童散輝照鑑无極說經三遍碧落成音神風緩奏言詞清越說經四遍大

智該廣法身普同說經五遍聞歌悟法還元復命說經六遍視
身與境潔如寶珠隨方現色道空不遷說經七遍悟此空歌元
非起滅震張風至音調自生入道登真理從斯得說經八遍遊
宮浮闕泳蕩碧虛內音清歌流轉隱顯說經九遍空洞生華湧
成千界天人男女出入黃房沉碧還虛呈露道體說經十遍霞
布十方歌成九奏上極大明下開幽夜天人大慶靈寶示祥是
時一國是男是女莫不手結天維足躡雲綱飛形上清皆受護
度咸得長生

道言是時元始天尊說經一遍東方碧落空歌至真大神無鞅
之眾浮空而至說經二遍南方碧落空歌至真大神無鞅之眾
道藏輯要

度人妙經

卷

八

角集四

浮空而至說經三遍西方碧落空歌至真大神無鞅之眾浮空
而至說經四遍北方碧落空歌至真大神無鞅之眾浮空而至
說經五遍東北碧落空歌至真大神無鞅之眾浮空而至說經
六遍東南碧落空歌至真大神無鞅之眾浮空而至說經七遍
西南碧落空歌至真大神無鞅之眾浮空而至說經八遍西北
碧落空歌至真大神無鞅之眾浮空而至說經九遍上方碧落
空歌至真大神無鞅之眾浮空而至說經十遍下方碧落空歌
至真大神無鞅之眾浮空而至十遍周竟十方无極碧落空歌
至真大神一時同至一國男女聞悟法音傾心歸仰來者有如
无量風雲之聲繁音大音無等之聲未覩形儀先聞如是音景

若歌謠笑語讚歎悲啼環珮履屨無邊眾音闐闐而來遍滿國
界非可禁止於是元始手挽碧落長縷之霞盤屈寶掌圓如碧
珠光明透徹十方世界碧落空歌無外之事若近眉睫俯窺傍
矚如淨瑠璃先示法筵次示大眾瞻仰未久忽然之間擲於空
中去地九仞大如飛星元始登引天真大神上聖高尊妙行真
人十方无極碧落空歌至真大神無執數眾俱入飛星妙光之
中一切天人無不登入神光晃粲外者見內內者見外上者若
俯下者若仰表裏洞鑒不知所由內外咸觀湛然同體切處一
光空歌自鳴碧霞鬱密神風鏘鏘十方玉城融麗齊等無執天
人不知所在元始卽於妙寶光聚之中說此碧落空歌是出世

道藏輯要

度人妙經

卷

角集四

道是長生法是大化源是玄妙宗十方眾生具此聖心眼耳口
鼻悉能了知一切道境而末有不從碧落之中空生洞歌至道
法音徧一切生類音言應答由是道生論法都竟眾真監度以
授於我當此之時喜慶難言法事粗悉諸天復位條燠之間寂
無遺響是時天人值遇經法曾得開悟究識本真知此碧霞本
元始精天地既開霞精散遠經緯演布絡如絃縷風動其間五
音共作不從天造不從緣生故知道玄自然出音聞此靈音開
辨心目乃有分別得悟道真無聲之中得聞道唱道無終窮傾
心歸仰咸行大心無作無欲無意無念無想無愛無執無得無
虛無實無滅無生言無矯妄語無惡聲齊同慈愛真骨成親國

安民豐欣樂太平經始出教一國以道咸露至心吟詠欽禮皆得度也

道言元始天尊說經中所言並是碧落空歌天霞四飛神風潛唱擊搏生音內演諸天上帝內名隱韻之音亦是十方神王空歌內諱百靈之隱名也非世之常辭上聖已成真人通玄究微能悉其章誦之十過空洞成歌神聲遠振萬帝稽首千真竦聞海平兵偃天谷藏煙三辰駐輪權衡停運八威鼓氣羣魔喪眼綠骨增秀靈骸返生至學之士誦之十過則三元奉駕五帝同輶封山召雲攝御鬼營濟病度厄絕命更生所以爾者學士身洞真極炁合青玄碧落之文刻記心骨可以召制三界政預天道藏輯要

度人妙經

奎

角集四

與勝

道言凡誦是經十過諸天齊到億曾萬祖幽魂苦爽皆卽受度上升東華青宮空歌召魂魄知其音還來附身魂鍊炁真返生爲人能餐碧霞之玄芒濯神風以散襟而好學至經功滿德就皆得神仙飛升玉闕遊宴碧空也上學之士修誦是經皆卽受度飛升青宮世人受誦則延壽長生後皆得作尸解之道魂神暫滅耳聞空歌心不迷妄去如解衣神安炁定復爲聖民不經

地獄用晦而明心與道俱普度天人莫不受慶无量之福生死蒙惠上天所寶不傳下世至士齋金寶效心盟天而傳輕泄漏慢殃及九祖長役鬼官侍經碧落空歌青帝玉童玉女各二十四人營衛神文保護受經者身

道言正月長齋誦詠是經以開碧霞始生之炁爲上世亡魂斷寒池長夜之役生其魂神度上青宮七月長齋誦詠是經降碧落之靈音澤金真之剛炁使三田潔素身得神仙碧落成文記書仙名青玉玄簡削死上生十月長齋誦詠是經碧霞結篆空洞成文玄匠之音奉慶帝宸青簡執符東極授經君臣父子享德萬年四海太平世世不絕爲天下君安鎮十方劫劫長存八道藏輯要

度人妙經

卷

角集四

節之日誦詠是經八風洋音碧落垂文服嚙青芽得爲上真本命之日誦詠是經魂真魄靈骨有玉英身得長生與道相宜不罹世患胎景光明三老錫命五帝攝京神司朝禮上天書名功滿德就飛升上清

道言行道之日皆當香湯沐浴齋戒入室東向叩齒二十四通上聞二十四天心拜二十四過閉目靜思身坐青黃白三色雲炁之中良久變爲碧霞內外蒼冥有青龍白虎朱雀玄武獅子白鶴羅列左右日月照明洞煥室內頂生圓象光暎十方如此分明密呪曰

无上玄元太上道君召出臣身中三五功曹左右官使者侍香

玉童傳言玉女五帝直符直日香官各二十四人關啟所言今日吉慶長齋清堂修行至經无量度人願所啟上徹徑御无上二十四天元始上帝至尊几前畢
引炁二十四過東向誦經

道藏輯要

度人妙經

卷

角集四
三十七

正一天師清微弟子共百堅製作

道教學術資訊網站

元始无量度人上品妙經

元始洞玄靈寶本章碧落空歌九變度人神音隱韻離合自然
混洞太无無无其无無爲浩空空與道俱空極而明明爲陽精
陽精爲火火爲元始洞陽赤炁赤炁之中化生黃暈黃暈爲土
是爲火子火土之炁九鍊而堅堅者金性金伏爲鉛鉛化爲水
水成木居曰青黃白號玄元始三炁植根火力鍊之九萬餘歲
其色凝碧碧光熠燿其晶霏霏乍騰乍躍乍伏乍飛或出或沒
或步或馳陰火爲風陽光爲火風火合德碧晶混離若雲若霞
如東如西神風鼓之碧霞析支支勢曲折或正或欹圓者如環
銳者如珪屈伸匪常凡不可窺碧空落落光含四維霞張八極

道藏輯要

度人妙經

卷

角集四

變化神竒天老上帝按筆以施模爲天章洞旨深微雲霞之書
三元八威六十四體象各有宜龍升其天鳳翥帝軒麟卧寶衢
龜行澤邊三九五七星帶相連奎房畢觜鎮御十天碧霞縱橫
布峙機延落猶絡也縻之無巔中空含虛風吟其間神音自然
隱顯回騫洞歌玉文靈寶秘篇內明上真超登之言一聞空歌
腦宮發煙紫氣盈室六丁來前無歌不光無歌不明無歌不立
無歌不成無歌不度無歌不生是爲大梵碧落空歌上清神音
脫離死生天中之天鬱羅蕭臺玉山上京上極无上大羅玉清
眇眇劫仞若亡若存皆有碧落自然空歌歌詠至真洞解天靈
天地萬神因歌得名碧空神音呼之卽聞是生神靈及諸上真

祕諱所重因歌得明碧落之中恍惚杳冥中有玉真口吐氤氲
碧霞梵炁周回十方中有度人不死之神東極宮中青華之君
中有空歌神音自然之神中有好生青皇九靈太妙生德之神
碧空真老天化丈人中有上清碧霞空極玉謠至真洞文天一
之君度生鍊神无量度人今日校錄諸天臨軒

東方无極碧落空歌玉音神王長生大聖无量度人
南方无極碧落空歌玉音神王長生大聖无量度人
西方无極碧落空歌玉音神王長生大聖无量度人
北方无極碧落空歌玉音神王長生大聖无量度人
東北无極碧落空歌玉音神王長生大聖无量度人

道藏輯要

度人妙經

卷

集四

東南无極碧落空歌玉音神王長生大聖无量度人
西南无極碧落空歌玉音神王長生大聖无量度人
西北无極碧落空歌玉音神王長生大聖无量度人
上方无極碧落空歌玉音神王長生大聖无量度人
下方无極碧落空歌玉音神王長生大聖无量度人
十方至真碧落空歌玉音神王長生度世无量大神並乘碧霄
綠輿絞輪驂駕青鳳蒼甲玄龍建碧霞之節十絕靈幢前嘯玉
琯齊唱後吹瑤籥同鳴神禽玄鶴和音囉宛與空歌協音流
暢天卿秉策元帥扶轅億乘萬騎泛瑤而來歌動海嶽聲越金
石傾光回駕監真度生諸天丞相上清公卿霄極神宮碧空大

聖雲營四司剛風九道監仙大神按錄御圖齊到帝前推校仙
名嚴劾六天能知碧落洞章空歌至音神包太空炁停大淵過
度世厄宿命應仙普告三界无極神鄉泉曲之府自非天維所
關碧霞鬱壘九陽之界籍在三官列階九府十二河源上解祖
考億劫種親積逮復連冥考冢訟罪錄所刊削落惡根不得拘
留度魂命仙元始符命時刻升遷夜河積屍漏瀆寒泉隱停罪
役檢制形魂度品青宮碧霞絡骨神音入玄召集百神九宮復
完生身受度劫劫長存永不輪轉與道忘年永度傷杜景休開
生驚死八關超登長生過度留難逍遙上清上清之天碧落之
炁梵行

道藏輯要

度人妙經

卅

角集四

東方六天

碧落之炁起角宿一度
一杪一虛漸次北行

碧梵玄无天

帝采覺會英

碧空臻際天

帝辨極宛頂

碧羅元始天

帝洞真飛生

碧合澄開天

帝越常典興

碧顏朱景天

帝惠廓孚生

碧宏虛曠天

帝重虛途

南方六天

碧落之炁起箕宿十二
度一匣之杪以次北行

碧真洞陽天

帝九笏空玄

碧瑤絳宮天

帝龍混覺

碧霞明系天

帝紫景空崇

碧无耀洞天

帝茂極越宜

碧運始圖天

帝元延九真

碧浩正虛天

帝都加遠稀

西方六天

碧落之炁起女宿三度十一秒之半以次北行近西

碧神照智天

帝常無覺

碧冲紫耀天

帝定極太元

碧蓋梵空天

帝妙詢允延

碧洞霞陽天

帝眇莽自真

碧華開歷天

帝無婁慶玄

道藏輯要

度人妙經

主

角集四

碧梵明遙天

帝子虛太明

北方六天

碧落之炁起井宿十五度二十四分之半此真碧落之維

碧光寒華天

帝龍耀化真

碧液注延天

帝玄神太都

碧丹化炁天

帝泥樓偃京

碧廓慈明天

帝彥生元常

碧落歌音

帝浮黎妙孚

碧虛凝陽天

帝妙恭太甯

二十四天二十四帝碧落隱文碧落隱名碧落天中空洞自然
空歌靈音諸天隱韻天中之音天中之尊天中之神天中玉文

夫中之靈九變六合變化上清碧落之奧深不可詳敷落至眞
晉度天人雲章霞書曲折成音金清土濁木浮火輕太一爲水
渾然其音五炁就位五宮遂成碧霞絡空神風鼓吟流商抑徵
含宮蘊羽空歌合奏萬天起舞今日大慶受度碧天厯告三元
詣斷五西七世魔冤削落死根續命生元出離太陰乘駕青龍
存揖玉女正坐明堂下遊九宮伏藏天牢隱淪八地出沒無方
碧落至眞玉音神王聚煙攝炁遏絕鬼門東斗玉光西斗皓華
北斗太妙南斗輝煌中斗黃雲覆我生方五炁錯霞碧空成章
青帝執竿白帝振鐔赤帝伐鼓黑帝擲鈴黃帝奉填吹噓揚音
合奏空歌碧落仙京中有太皇服御飛青左嘯伯華右嘯君成

道藏輯要

度人妙經

圭

角集四

青天玉音玉文自成赤天玉音神迹天經白天玉音憂石叩瓊
黑天玉音萬羽蔚興黃天玉音神謠太清五天玉音碧落俱登
空歌梵響詠道无名无極神王騎虎乘鯨吐火萬里飛雷鎮兵
泛景碧空下極杳冥屠割馘裂誅斬鬼營諸天大魔嚴衛火兵
六天作炁百靈首名清蕩羅都鬱絕洞冥揮戈揚旛流矢沸鉦
號呼北山鬼無逃形五帝銜命四公校籍有功者錄有過者停
鬼主六目電師猪身流火騰毒八道速并敢有干試拒遏上眞
碧空神音自然之書玉帝之敕上清之符火鈴風鐸萬神前驅
普告無窮六天咸聽三界五帝列言碧虛

元始玉精光停碧儲泛杳冥神道以敷太空莽莽萬眞開圖

上浮下沉東卷西舒流彩九門景賁三途太上神公威極有無
玉斧金霹萬天立呼洞章四張斑斑寶書碧霞吐芒龍翔鳳翥
縷飄仙錦雲蟠寶觚碧空道英變化無無天上天下無空無冥
無光無聲無色無名浩廓遐邇混一非成成與道形形爲玉京
碧峯峩峩大有妙庭中有元始貌奪雌嬰披服青袍攢帶月明
頭建神光足乘五靈碧霞凝空神風八衝谷神幽鳴空歌有聲
是爲靈寶赤書九天真文保制劫運我道永存碧落彌羅萬象
周張妙炁回度二十四天輪轉角氏井鬼柳房炁入上玄隨斗
低昂元炁所行造化太陽炁鍊成文文錯爲聲聲因風激霞精
九靈音謠蕩魔下制冥河碧煙石旋總炁上元空碧冥合炁入
道藏輯要

度人妙經

圭

角集四

玄玄玄中玉尊抱日而明徘徊龍澤檢御朱兵敢干我者戮以
天丁神旗翻翠浪搖太清紫雲結華綠英散庭千離萬合鍊炁
成真真中有神碧真上嬪霞章仙友太一高真帝宸玉輔天老
同卿吹陰噓陽保命絳津上遊上清出入丹房三竅之內下連
黃庭白雲幽門素霜層凌碧霧羅迎下鎮人身蘭臺有宮紫玉
重城中有大神號曰無英身輝青光口嚙玉津變化自然與空
無形中理五斗敕制百靈九道還明三元應仙仙道貴真无量
度人上入玄門飛步九宸罪福禁戒宿命因緣身登華宮脫離
幽冥骨鍊屍滅飛魂生身身得受生上聞諸天諸天之上廓落
仙門中有神王碧落空歌道玄之章辭參高真

第一東方无極碧落空歌玉音神王之音

太无非神

道受其靈

化變無方

用之至神

道不顯神

至化冥冥

神煙蔚青

逍遙玉京

第二南方无極碧落空歌玉音神王之音

眇眇逮臺

化文龍書

成此空歌

碧宮絳輿

周遊九天

令音簫等

詠此道王

至真無餘

第三西方无極碧落空歌玉音神王之音

奎張惟西

落落明璣

洞碧涵炁

道藏輯要

度人妙經

志

角集四

炁與空齊

真炁無形

真道無名

藉此空無

玉真自成

第四北方无極碧落空歌玉音神王之音

大牛玄羣

戊亥飮之

陰胞已除

天斗陸離

孕育萬類

調養六儀

呱呱夜號

鬼庭散披

第五東北无極碧落空歌玉音神王之音

玄鳳在場

洞浩至陽

碧霞扇空

歌吟神風

聲淒韻微

道有希夷

我界黃丘

萬生得宜

第六東南无極碧落空歌玉音神王之音

帝乘丹車

號令天門

碧書金函

部索冥魂

鍊炁赤明

青芽發生

歌洞神音

大姥驂軒

第七西南无極碧落空歌玉音神王之音

鳥母執幢

水王捧節

王鎖度人

九幽澡雪

龍仙轉機

東井浴月

今日大慶

祖考分別

第八西北无極碧落空歌玉音神王之音

天父黃髮

錦衣萬花

口吹陽光

道藏輯要

度人妙經

圭

角集四

足蹈神蟄

玉刀斷魔

鐘鼓斯鏜

斬血玄黃

碧落道昌

第九上方无極碧落空歌玉音神王之音

碧霞浩浩

彌羅玉清

印空成字

八會洞文

植至道根

化生羣倫

巍巍天臺

中有帝君

第十下方无極碧落空歌玉音神王之音

壘壘剛澤

風海洞冥

玄老校籍

火煙鐵城

黑虺張牙

毒獸啖形

天光時來

萬苦息停

此碧落之上十方之中玉音神王自然歌音誦之百遍名度青宮誦之千遍神王保迎萬徧道備飛昇太空過度三界上清真公有聞玉音百靈衛形救制地祇出入送迎超出地戶三災九厄七祖升遷永離冥關魂升碧宮太一之家碧爲四宮御袞乘龍匪若黑赤斗逆步凶碧空至真知者大通壽年无極錄記玄功有秘上天音諸天共所崇泄慢墮地獄禍及七祖翁

道言此洞章並是碧落神王十方玉音自然至真神王隱秘之音皆是大梵之言非世上常辭以明碧落空歌爲至真上道大以參玄乘化出入萬機正運玄度開世成天小以身致神仙飛昇上清夫碧落之炁於人爲耳目下通肝腎之精出坎入離晝

道藏輯要

度人妙經

美

卷四

夜用之腦尸神鑪之中當有玄丹大如黍豆出子耳中子得而服換骨易形上爲帝賓其道若成神遊碧土洞見碧城寶樓玉闕龍虎崢嶸獅子白鶴蛟蚪至循碧落世界萬里逡巡故非世學難可尋詳上天所寶秘於玄都紫微上宮依玄科四萬劫一傳若有至人齋碧玉之環青錦之紋質心依格盟告上清然後而付焉

道言夫高厚之運亦有差次三光九元亦有隱伏至聖神人亦有隱顯末學之夫亦有人患凡有此災同炁皆當齊心修齋六時行香十遍轉經空歌神音福慶自生玄真立降消諸不祥无量之文普度無窮

道言夫末學道淺或仙品未充運應滅度身經太陰臨過之時
同學至人爲其行香誦經十過使碧落空歌之音招其魂神碧
落之炁下連骨相六腑生明真炁自生以度屍形如法魂神徑
上青宮隨其學功計日而得更生轉輪不惑便得神仙
道言寅申失軌亦當修齋行香誦經儀璘勃暗亦當修齋行香
誦經水火激射民炁不調亦當修齋行香誦經國界侵虞兵盜
不息亦當修齋行香誦經異氣爲災民病疫癘亦當修齋行香
誦經師友命過亦當修齋行香誦經夫齋戒誦經功德甚重上
正天運中安帝王下除毒害以度兆民生死受賴其福難勝故
曰无量普度天人

道藏輯要

度人妙經

卷

角集四

道言凡有是經能爲天地帝主兆民行是功德有災之日發心
修齋燒香誦經十過皆諸天記名萬神侍衛右別至人剋得爲
碧落帝君青宮之臣諸天記人功過毫分無失天中神王亦保
舉爾身得道者乃當洞明至言也

諸天中大梵碧落空歌隱語无量音

道君撰

元始靈書碧霞玉文靈篇

東方六天

銜鏡鬱戔

霞露四空

容景青期

斗胃斯容

明薄九陽

周遊至景

會辨酉正

入走八通

丘坎鼎除

金錄月春 抱明玉野 靈章夷冲

南方六天

井生尾箕 柳張合岐 正鈴東嘉

雲龍瓊飴 再命黃絡 邁遇壁支

炁運魯口 林嶠玉眸 道幾正圖

五陽交宮 蘿媛紫景 玄孚散公

西方六天

蕭池禺微 珠明夜霏 鬼柳冥疆

走籍火池 洞馬調合 玉妃散夷

昂張並驅 女室相宜 陽靈曲淨

道藏輯要

度人妙經

夷

角集四

金鉉虎姬 錯帝彥辰 芙天太儀

北方六天

昆太傍由 路正獄琳 琳悔駿施

火公電侯 正笑正池 淨明仙謀

鉤合靈便 殿軍伯修 无无太架

洞臨逆樓 龍機河銘 紫微九邱

道言此碧落空歌大梵隱語无量之音舊文字皆碧霞宛轉曲折成文垂芒八會天真皇人雲迹句留筆而錄之以爲正音有知其音能齋而誦之者諸天皆遣玉音神王碧空至真自然大神下觀其身書其功勤上奏諸天萬神朝禮地祇侍門大勳魔

王保舉剋得遊行碧落身御青門此音無所不禳無所不辟無
所不度無所不成碧落神風自然之音也故誦之致飛天碧空
大神下觀上帝遙唱萬神朝禮三界侍軒羣祇束首鬼精自亡
神風振響碧落洞清十方交暎海嶽淵澄空洞凝光照暎合明
羣仙稽首飛騰玉京天地曠極神音泠泠冥慧九極大量玄玄
也

道藏輯要

度人妙經

堯

一四八

角集四

角集四音釋

汧 同汧音牽

燭 音燭 水名

火門也

悲 古弼字

犇 音賁

牛驚也

腩

音衄 業音業

龔 音龔

藺 音藺

涔 音岑

蛟 音祇

稭 音室

稭 音郎

響

音你泥上聲

闌 音瀆

湟 音黃

水名

滲 音聊

屨 音變

晃 同晃

恍

盪 音蟲

鋤 音純

芙 音夫

道藏輯要

度人妙經

平

角集四